



pravosudna mreža
BOSNE I HERCEGOVINE
правосудна мрежа
БОСНЕ И ХЕРЦЕГОВИНЕ
justice network
OF BOSNIA AND HERZEGOVINA



forum građana tuzle



Helsinški odbor za ljudska prava
u Republici Srpskoj

NEWSLETTER BILTEN

Pokretanje Pravosudne mreže BiH inicirali su Forum građana Tuzle i Helsinški odbor za ljudska prava u RS, kao dio aktivnosti Projekta održivosti civilnog društva (CSSP). Osnovna svrha Mreže je doprinos nezavisnosti, efikasnosti, nepristrasnosti i samostalnosti bh. pravosuđa.

| Broj 13. |

NOVOSTI

Tematska konferencija „Pravosuđe i mediji“ – Teslić 18.01.2016.

Tematska konferencija “Pravosuđe i mediji” održana je u Tesliću. Konferenciju je organizovalo Visoko sudsko i tužilačko vijeće BiH (VSTV BiH) u okviru projekta koji finansira Evropska unija (IPA 2012) „Konsolidacija i dalji razvoj pravosudnog komunikacijskog i informacijskog sistema“.

Cilj konferencije je bio usvajanje pozitivne prakse u saradnji sa medijima i odnosima s javnošću i utvrđivanje daljih koraka koje je potrebno poduzeti kako bi se saradnja sa medijima i komunikacija između pravosudnih institucija i građana unaprijedila. Tokom predstavljanja komunikacijskih aktivnosti VSTV-a BiH i komunikacijske prakse Suda Bosne i Hercegovine, učesnicima se željelo ukazati na važnost i utjecaj odnosa s javnošću na kreiranje mišljenja javnog mnijenja i stvaranje slike o pravosuđu.

Konferencija je okupila preko 50 učesnika, odnosno predsjednika sudova u Bosni i Hercegovini, glasnogovornika i stručnih saradnika ovih pravosudnih institucija, koji su iskazali zadovoljstvo tematikom konferencije.

Prepoznavajući važnost efikasnosti pravosuđa kao ključnog uslova za pristup evropskim integracijama, Evropska unija finansirala je projekat „Konsolidacija i dalji razvoj pravosudnog komunikacijskog i informacijskog sistema“ sa 1,8 miliona eura iz Instrumenta za pretprišupnu pomoć (IPA 2012). Ovim projektom je započela nova faza razvoja pravosudnog informacionog sistema u BiH, a nastavljaju se aktivnosti unaprjeđenja efikasnosti pravosuđa putem kojih će se razviti dodatne funkcionalnosti i osigurati održivost Sistema za automatsko upravljanje predmetima (CMS), smanjiti broj neriješenih predmeta i predmeta ratnih zločina u sudovima te povećati povjerenje javnosti i poboljšati reputacija pravosuđa. Nastavak projekta sa VSTV-om koji finansira EU sa 1,8 miliona eura će početi iduće sedmice, a kroz koji će se, među mnogim drugim oblastima, nastaviti podržavati pitanje pravosuđa i medija.



Britanska Ambasada
Sarajevo

Novi uspjeh informatizacije pravosuđa u BiH

Digitalizacija arhive Općinskog suda u Goraždu

U Općinskom sudu u Goraždu organizovana svečana ceremonija kojom je obilježen uspješan završetak procesa digitalizacije arhive u Općinskom sudu u Goraždu i primopredaja sistema za upravljanje digitalnom arhivom Arhivu Bosanskohercegovačkog kantona.

Sistem je razvijen u okviru projekta „Konsolidacija i dalji razvoj pravosudnog informaciono-komunikacionog sistema“, kojeg implementira Visoko sudsko i tužilačko vijeće Bosne i Hercegovine (VSTV BiH) a finansira Evropska unija putem Instrumenta za pretpripristupnu pomoć (IPA 2012).

Razvojem sistema za upravljanje digitalnom arhivom stvorene su tehničke pretpostavke za ekonomičnije i sigurnije čuvanje i korištenje arhivske građe, što je ujedno i važan korak u pravcu smanjenja upotrebe papirne dokumentacije u radu pravosudnih institucija. Sistem je razvijen u okviru nove generacije Sistema za automatsko upravljanje predmetima (CMS/TCMS) putem Modula koji omogućava elektronsku obradu predmeta prilikom arhiviranja. Modul uključuje pripremu arhivski prihvatljivog dokumenta i njegovo potpisivanje kvalifikovanim elektronskim potpisom, pohranjivanje, čuvanje, te predaju nadležnom arhivu na dalje čuvanje ili uništavanje predmeta nakon isteka roka čuvanja.

Razvojem ovog i drugih naprednih informacijsko-komunikacijskih sistema, bosanskohercegovačko pravosuđe nastavlja da drži leadersku poziciju na regionalnom i širem nivou, predstavljajući izvanredan primjer dobre prakse, koji druge zemlje nastoje inkorporirati u svojim sistemima.

Uvodnim obraćanjem, prisutnim se obratila članica VSTV-a BiH Alma Džaferović, rekavši: „U vremenu stalnog tehnološkog napretka često se zaboravlja zahtjevnost poduhvata informatizacije pravosuđa u Bosni i Hercegovini koji je Visoko sudsko i tužilačko vijeće BiH započelo prije nešto više od decenije. Još od osnivanja, Vijeće je tom procesu pristupilo strateški, te zahvaljujući takvom pristupu danas u bh. pravosuđu imamo napredan informatički sistem s kojim nije promijenjena samo forma, već i način i metode rada sudija i tužilaca i drugih zaposlenih u pravosuđu.“

Gospođa Džaferović je također naglasila značaj podrške Evropske unije u informatizaciji pravosuđa, naglasivši da je partnerstvo Visokog sudskog i tužilačkog vijeća BiH s Evropskom unijom bilo od presudnog značaja za ostvarenje ciljeva VSTV-a BiH u oblasti informatizacije.

Učesnicima ceremonije se obratio i predsjednik Općinskog suda u Goraždu Sead Imamović, koji je istakao prednosti sistema: „Digitalizacija arhive predstavlja potpuno novu dimenziju informatizacije u sudovima. Dugotrajno čuvanje predmeta zahtijeva osiguravanje dodatnog prostora i tehničke zaštite prostorija, dok digitalno arhiviranje ne zahtijeva dodatni prostor ili resurse za osiguravanje arhiviranih predmeta. Pristup digitaliziranim arhivskim predmetima postao je mnogo lakši i brži, i više ne zahtijeva trošenje vremena na fizičko pretraživanje arhive i iznošenje predmeta. Na taj način predavanje predmeta arhivu svest će se na dostavljanje nekoliko DVD diskova umjesto organiziranja transporta velike količine dokumenata.“

Primopredaju sistema za upravljanje digitalnom arhivom je obavio direktor Sekretarijata VSTV-a BiH Admir Suljagić i direktorica Arhiva Bosanskohercegovačkog kantona Taiba Mehmedbegović.

Vijest preuzeta sa www.pravosudje.ba

Predstavници Okružnog suda u Amsterdamu u radnoj posjeti BiH

Nastavak aktivnosti Projekta unapređenja efikasnosti pravosuđa II

Predstavnici Okružnog suda u Amsterdamu boravili su od 18. do 21. januara u radnoj posjeti Bosni i Hercegovini koja je organizovana u okviru Projekta unapređenja efikasnosti II (Projekt) koji finansiraju Vlada Holandije i Vlada Norveške.

Prvi u nizu sastanaka koji su gosti iz Amsterdama održali tokom svoje četverodnevne posjete našoj zemlji je bio sa predstavnicima Općinskog i Kantonalnog suda u Sarajevu. Na sastanku je dogovoreno da će u okviru saradnje ova dva suda nastojati usaglasiti stavove u tumačenju i primjeni pojedinih procesnih odredbi Zakona o parničnom postupku (ZPP) koje utiču na dužinu postupka te na samu procesnu disciplinu. Stavovi i sudska praksa će prvo biti usaglašeni na nivou odjeljenja, a zatim i na nivou ova dva suda.

Također je održan sastanak sa predstavnicima Općinskog i Kantonalnog suda u Sarajevu, sudijom Vrhovnog suda FBiH i članom VSTV-a BiH Goranom Nezirovićem, profesoricom Pravnog fakulteta u Banja Luci i Istočnom Sarajevu Rankom Račić te sudijom Osnovnog suda u Prijedoru i koautorom priručnika „Upravljanje sudskim postupkom“ Dijanom Mazalić Nović. Učesnici sastanka su razgovarali o efikasnoj primjeni odredbi ZPP-a i budućim edukacijama sudija u pogledu boljeg i efikasnijeg upravljanja postupkom.

Tokom posjete, predstavnici Okružnog suda u Amsterdamu su imali priliku prisustvovati određenom broju ročišta u Općinskom sudu u Sarajevu i razgovarati sa svojim sarajevskim kolegama sudijama u cilju razmjene iskustava.

Vijest preuzeta sa www.pravosudje.ba

Izjava- gđin Vehid Šehić za Kantonalno tužiteljstvo Tuzlanskog kantona- Bilten 4

„Forum građana Tuzle u okviru svojih aktivnosti, a posebno u segmentu izgradnje pravne države i vladavine prava, veliku pažnju kroz implementaciju određenih projekata posvećuje reformi pravosuđa u BiH s ciljem da se stvore ustavne i zakonske pretpostavke za nezavisnost, efikasnost, funkcionalnost, profesionalnost i odgovornost sudske i tužilačke vlasti u Bosni i Hercegovini, jer je ona u svakoj pravnoj i demokratskoj državi garancija zaštite ljudskih i građanskih prava i jednakopravnosti svih građana pred zakonom.“



Britanska Ambasada
Sarajevo

